

საქართველოს კანონი

“ეროვნული კინემატოგრაფის სახელმწიფო მხარდაჭერის შესახებ”

ეროვნული კინემატოგრაფი (შემდგომ ტექსტში - “კინო”), ეროვნული კულტურისა და ხელოვნების განუყოფელი ნაწილია, რომელმაც თავისი არსებობის მანძილზე მნიშვნელოვანი აღიარება ჰპოვა როგორც ქვეყნის შიგნით, ასევე მის ფარგლებს გარეთ.

კინო შემოქმედებითი საქმიანობის გარდა რთულ ტექნოლოგიურ, საწარმოო, ეკონომიკურ და ფინანსურ პროცესებს მოიცავს და აქედან გამომდინარე, მისი განვითარება მნიშვნელოვანწილადაა დამოკიდებული სახელმწიფო ზრუნვასა და მხარდაჭერაზე, რამაც ასახვა უნდა ჰპოვოს კანონმდებლობაში.

წინამდებარე კანონი, ეფუძნება რა საქართველოს კონსტიტუციასა და კანონმდებლობას, ითვალისწინებს რა ქართული კინემატოგრაფიის მრავალწლოვან მდიდარ ტრადიციებსა და კინოს სფეროში მსოფლიოს ცივილიზებული ქვეყნების გამოცდილებას, მიზნად ისახავს კინოს არსებობისა და განვითარებისათვის სახელმწიფო ხელშეწყობის სამართლებრივი საფუძვლებისა და ძირითადი მიმართულებების განსაზღვრას.

თავი I.

ზოგადი დებულებანი

მუხლი 1. საქართველოს კანონმდებლობა კინოს შესახებ

საქართველოს კანონმდებლობა კინოს შესახებ ეფუძნება საქართველოს კონსტიტუციასა და საქართველოს შესაბამის საერთაშორისო ხელშეკრულებებსა და შეთანხმებებს. იგი მოიცავს წინამდებარე კანონს, საქართველოს კანონებს “კულტურის შესახებ”, “საავტორო და მომიჯნავე უფლებების შესახებ”, “შემოქმედ მუშაკთა და შემოქმედებითი კავშირების შესახებ”, სხვა შესაბამის საკანონმდებლო და კანონქვემდებარე ნორმატიულ აქტებს.

მუხლი 2. კანონის რეგულირების სფერო

ეს კანონი განსაზღვრავს ეროვნული კინოსათვის სახელმწიფო მხარდაჭერის სამართლებრივ მექანიზმებს, ადგენს ეროვნული ფილმის სტატუსს, მისი წარმოებისა და გამოყენების საკანონმდებლო საფუძვლებს, კინოს სფეროში მოქმედი დაწესებულების - კინემატოგრაფიის ეროვნული ცენტრის (შემდგომ ტექსტში - ეროვნული კინოცენტრი) სამართლებრივ მდგომარეობას, კინემატოგრაფის სახელმწიფო და სხვა სახის დაფინანსების პირობებსა და წესს.

კანონპროექტი “ეროვნული კინოს სახელმწიფო მხარდაჭერის შესახებ”

მუხლი 3. კინოს სახელმწიფო მხარდაჭერის ძირითადი პრინციპები

სახელმწიფო პოლიტიკა ქართული კინოს მხარდაჭერის სფეროში ემყარება შემდეგ პრინციპებს:

- ა. კინოს განვითარებაზე სისტემატური ზრუნვა.
- ბ. კინოს სფეროში შემოქმედებითი მოღვაწეობის თავისუფლებისა და დამოუკიდებლობის გარანტიების შექმნა.
- გ. საავტორო უფლებათა დაცვის ხელშეწყობა კინოს სფეროში.
- დ. კინოს აღიარება ხელოვნების იმ დარგად, რომლის განვითარებასაც დამოკიდებულია მისი ტექნოლოგიური, სამეცნიერო, საინფორმაციო, საწარმოო და საგანმანათლებლო ბაზის სრულყოფაზე.
- ე. კინოპროდუქციის წარმოებისა და გავრცელებისათვის ხელშეწყობა სახელმწიფოს მხრიდან.
- ვ. მსოფლიო კინოპროცესებში ქართული კინოს ინტეგრაციაზე ზრუნვა.
- ზ. კინოს სფეროში ნაკისრ საერთაშორისო ვალდებულებების განხორციელების უზრუნველყოფა.

მუხლი 4. ძირითადი ცნებების განმარტებანი.

გამოყენებულ ცნებებს ამ კანონის მიზნებისათვის აქვთ შემდეგი მნიშვნელობა:

- ა. კინემატოგრაფია (კინო) – კულტურისა და ხელოვნების დარგის რომელიც მოიცავს პროფესიულ, შემოქმედებით, საწარმოო, ტექნიკურ, სამეცნიერო და საგანმანათლებლო საქმიანობას მიმართულს კინოპროდუქციის შესაქმნელად და გასავრცელებლად.
- ბ. ფილმი – აუდიოვიზუალური ნაწარმოები, რომელიც შემოქმედებითი ჩანაფიქრის საფუძველზე მხატვრული, ანიმაციური, ქრონიკალურ-დოკუმენტური, სასწავლო, შემეცნებითი, მხატვრული-დოკუმენტური, სატელევიზიო ან სხვა ფორმით დაფიქსირებულია კინო, ვიდეო ფირზე, ლაზერულ დისკზე ან სხვა სახის ტექნიკურ საშუალებაზე, გაერთიანებულია თემატურ ერთმანეთთან თანმიმდევრულად დაკავშირებული კადრებით აღიქმება შესაბამისი ტექნიკური აღჭურვილობის მეშვეობით.
- გ. სრულმეტრაჟიანი ფილმი – 52 წუთზე მეტი ხანგრძლივობის ფილმი.
- დ. მოკლემეტრაჟიანი ფილმი – 52 წუთზე ნაკლები ხანგრძლივობის ფილმი.
- ე. კინომატიანე – დოკუმენტური მასალა, რომელიც ასახავს წარმართულ და ამდენად – განუმეორებელ მოვლენებს ან ფაქტებს და გამიზნულია სამომავლო გამოყენებისათვის.
- ვ. ფილმის გაქირავება – ნებისმიერი ფორმით და საშუალებით ფილმის გავრცელება მოგების მიღების მიზნით.
- ზ. ფილმის ჩვენება – კინოლარბაზში, საეთერო, საკაბელო, თანამგზავრული ტელევიზიითა თუ სხვა ტექნიკური საშუალებით მაყურებლისათვის ფილმის დემონსტრირება.
- თ. ფილმის პროდიუსერი – ფიზიკური ან იურიდიული პირი, რომელიც იღებს ინიციატივას და კისრულობს პასუხისმგებლობას ფილმის დაფინანსებისა და წარმოებისათვის.

- ი. ფილმის დისტრიბუტორი (ვამქირავებელი) - ფიზიკური ან იურიდიული პირი, რომელსაც აქვს მინიჭებული უფლება ორგანიზაცია გაუკეთოს ფილმის გაქირავებას.
- კ. ფილმის დემონსტრატორი - ფიზიკური ან იურიდიული პირი, რომელიც უჩვენებს ფილმს მაყურებელს.
- ლ. კინოდარბაზი - სათანადოდ აღჭურვილი სპეციალიზირებული ადგილი, სადაც ხდება ფილმის ჩვენება.
- მ. კინოორგანიზაცია - იურიდიული პირი, რომლის საქმიანობის ძირითად საგანს შეადგენს: ფილმების ან კინომატიანის სიუჟეტების წარმოება, ფილმების ასლების გამრავლება, გაქირავება, ჩვენება, ფილმების აღდგენა, კინოდარბაზის ტექნიკური მომსახურება, კინომასალების წარმოება, კინოაღჭურვილობის წარმოება, ფილმწარმოების მომსახურება (კინოტექნიკის გაქირავება, კინოკომპლექსის ან კინოპავილიონის იჯარა, კოსტიუმების შეკერვა, დეკორაციების მშენებლობა, გრიმისა და საგრიმიორო მასალების დამზადება, რეკვიზიტის დამზადება-გაქირავება, გადასაღები ტექნიკისა და სპეცეფექტების მომზადება, ფირის დამუშავება, ფილმის გახმოვანება, მუსიკალური გახმოვანება და სხვა), საგანმანათლებლო, სამეცნიერო, კვლევითი, ბეჭდვითი, საგამომცემლო, სარეკლამო-პროპაგანდისტული საქმიანობა კინოს სფეროში, ფილმების ასლისა და ფილმის საწყისი მასალების შენახვა.
- ნ. ფილმის პროექტი - დოკუმენტების პაკეტი, რომლის საფუძველზეც მიიღება გადაწყვეტილება ფილმის წარმოების დაფინანსების შესახებ.
- ო. ფილმის ან კინომატიანის საწყისი მასალები - ნეგატივი, კონტრატიპი, საკონტროლო ასლი, ვიდეო მასტერ კასეტა, მაგნიტური ფონოგრამის ორიგინალები და სხვა მასალები, რომლებიც აუცილებელია ფილმის წარმოებისა და ტირაჟირებისათვის ნებისმიერი ფორმით (კინოფილმი, ვიდეოკასეტა, ლაზერული დისკი და სხვა).
- პ. ფილმის ტირაჟირება (გამრავლება) - ფილმის ერთი ან მეტი ასლის დამზადება ნებისმიერი ფორმით.
- ჟ. კინოპროდუქცია - ფილმი, კინომატიანე, საწყისი მასალები, ტირაჟი ან ტირაჟის ნაწილი.
- რ. კინოაღჭურვილობა - მოწყობილობა, აპარატურა, ტექნიკური საშუალებები და მათი სათანადო ნაწილები, რომლებიც გამოიყენება კინოწარმოების, ტირაჟირების, გაქირავების, ფილმის ჩვენებისა და ფილმწარმოებისათვის საჭირო საშუალებისა და მომსახურებისათვის.
- ს. კინომასალები - ნედლეული და მასალები, რომლების გამოიყენება ფილმების წარმოების, ტირაჟირების, აღდგენის, გაქირავებისა და ჩვენებისათვის, ასევე ფილმწარმოებისათვის საჭირო საშუალებებს შესრულებისა და მომსახურებისათვის, კინოაღჭურვილობის დამზადებისათვის.
- ტ. კინოარქივი - ფილმსაცავი, სადაც ინახება კინოპროდუქცია.

მუხლი 5. ეროვნული ფილმი.

1. ფილმი წარმოადგენს ეროვნულ ფილმს, თუ:
 - ა. ის იქმნება საქართველოს სახელმწიფო ენაზე;
 - ბ. მისი პროდუსერი არის საქართველოს მოქალაქე ან საქართველოში რეგისტრირებული იურიდიული პირი;
 - გ. მისი ავტორები არიან საქართველოს მოქალაქენი;
 - დ. ფილმის გადამღები ჯგუფის (დამდგმელი-რეჟისორები, დამდგმელი ოპერატორები, ოპერატორები, ხმის ოპერატორები, მხატვრული კოსტიუმების მხატვრები, მონტაჟორები, მთავარი როლებზე შემსრულებელი მსახიობები) შემადგენლობის 30 პროცენტს აღემატება იმ პირთა რაოდენობა, რომელთაც არ გააჩნია საქართველოს მოქალაქეობა;
 - ე. მისი წარმოების, ტირაჟირების, გაქირავებისა და ჩვენების მიზნად გაწეული სამუშაოების მთლიანი მოცულობის არანაკლებ 50 პროცენტს ახორციელებს საქართველოში რეგისტრირებული კინოორგანიზაცია.
2. ეროვნულად ჩაითვლება უცხო ენაზე (არა სახელმწიფო ენაზე) გადაღებული ფილმი, თუ ამას მოითხოვდა სცენარი და ამასთან, ფილმის აკმაყოფილებს ამ მუხლის პირველი პუნქტით დადგენილ სხვა მოთხოვნებს.
3. ეროვნულ ფილმად მიიჩნევა ერთობლივი წარმოების ფილმი, რომელიც იქმნება უცხოურ კინოორგანიზაციებთან ერთად შესაბამისი საერთაშორისო ხელშეკრულებებისა და შეთანხმებების პირობების დაცვით.

თავი II.

კინოს სახელმწიფო მხარდაჭერის ძირითადი ღონისძიებები

მუხლი 6. კინოს სახელმწიფო მხარდაჭერის ძირითადი ფორმები

1. სახელმწიფოს მხრიდან კინოს მხარდაჭერა - და ხელშეწყობა ხორციელდება შემდეგი ძირითადი ფორმებით:
 - ა. კინოს სფეროში შესაბამისი საკანონმდებლო ბაზის შემუშავება მისი სრულყოფა.
 - ბ. კანონმდებლობით დადგენილი წესით ეროვნული ფილმების წარმოებისა და გაქირავების საქართველოს სახელმწიფო ბიუჯეტიდან დაფინანსება.
 - გ. კინოს სფეროში შესაბამისი სახელმწიფო პროგრამების დანერგვა ხორციელდება.
 - დ. კანონმდებლობით დადგენილი წესით კინოორგანიზაციების საქმიანობის შეღავათიანი საგადასახადო რეგულირება.
 - ე. კანონმდებლობით გათვალისწინებული სხვა ფორმები.
2. სახელმწიფოს მხრიდან კინოს მხარდაჭერის ღონისძიებები მიმართულია:
 - ა. ეროვნული ფილმების შესაქმნელად.
 - ბ. კინოს მატერიალურ-ტექნიკური ბაზის გასანვითარებლად.

- ბ. ფილმების გაქირავებისა და ჩვენებისათვის სათანადო პირობების შესაქმნელად.
 - დ. სამენციერო, საგანმანათლებლო და ტექნიკური პროგრამების განსახორციელებლად.
 - ე. კინოფესტივალებისა და სხვა კულტურული ღონისძიებების ჩასატარებლად.
 - ვ. საერთაშორისო ფესტივალებსა და სხვა ღონისძიებებში მონაწილეობის მისაღებად.
3. ყველა კინორეგანიზაცია უფლებამოსილია მიიღოს და ისარგებლოს შესაბამისი სახელმწიფო მხარდაჭერით, თუ იგი აკმაყოფილებს კანონმდებლობით და მის საფუძველზე დადგენილ მოთხოვნებს.

მუხლი 7. კინოს სახელმწიფო მხარდაჭერის განმახორციელებელი დაწესებულება.

ქართული კინოკულტურის დაცვის, მისი განვითარების ხელშეწყობის, სახელმწიფო მხარდაჭერისა და ამასთან დაკავშირებით წარმოშობილ ურთიერთობათა კოორდინაციის უფლებამოსილება ეკისრება საქართველოს ეროვნულ კინოცენტრს.

მუხლი 8. ეროვნული კინოცენტრის სამართლებრივი მდგომარეობა და საქმიანობის ძირითადი მიმართულებები.

1. ეროვნული კინოცენტრი წარმოადგენს ამ კანონის საფუძველზე საქართველოს კულტურის სამინისტროსთან შექმნილ საჯარო სამართლის იურიდიულ პირს, რომელიც სახელმწიფო კონტროლით დამოუკიდებლად ახორციელებს თავის საქმიანობას.
2. ეროვნული კინოცენტრი დასახული მიზნებისა და დაკისრებული ფუნქციების განსახორციელებლად სარგებლობს სპეციალური უფლებაუნარიანობით, ამასთან იგი უფლებამოსილია განახორციელოს ამ კანონითა და საკუთარი დებულებით გათვალისწინებული საქმიანობა.
3. ამ კანონითა და საკუთარი დებულებით გათვალისწინებული მიზნების მისაღწევად ეროვნული კინოცენტრი უფლებამოსილია გამხმარე ხასიათის სამეწარმეო საქმიანობა.
4. ეროვნული კინოცენტრის დაფინანსების წყაროა:
 - ა. სახელმწიფო ბიუჯეტიდან გამოყოფილი სახსრები.
 - ბ. სახელმწიფო შეკვეთის შესრულებიდან მიღებული შემოსავალი.
 - გ. ხელშეკრულების საფუძველზე შესრულებული სამუშაოდან მიღებული შემოსავალი.
 - დ. სამეწარმეო საქმიანობიდან მიღებული შემოსავალი და კანონმდებლობით ნებადართული სხვა შემოსავალი.
5. კინოცენტრს ხელმძღვანელობს დირექტორი, რომელიც თანამდებობაზე 3 წლის ვადით ინიშნება კულტურის მინისტრის მიერ (ბრძანებით) საქართველოს კინემატოგრაფისტთა საერთო-ეროვნულ შემოქმედებით კავშირთან შეთანხმებით.

6. ეროვნული კინოცენტრის სახელმწიფო კონტროლს ახორციელებს საქართველოს კულტურის სამინისტრო კანონმდებლობისა და კინოცენტრის დებულების შესაბამისად.

7. ეროვნული კინოცენტრის მიზნებსა და საქმიანობის ძირითად მიმართულებებს განეკუთვნება:

- ა. კინოს დარგში კანონპროექტებისა და სხვა ნორმატიული აქტების პროექტების შემუშავება.
- ბ. ქართული კინოს დაცვისა და განვითარების სახელმწიფო პროგრამების შექმნასა და რეალიზაციაში მონაწილეობა.
- გ. საქართველოს სახელმწიფო ბიუჯეტის პროექტის შემუშავება პროცესში სათანადო წინადადებების მომზადება და წარდგენა კინემატოგრაფიისათვის გამოსაყოფი ასიგნებების ნაწილში.
- დ. სახელმწიფო ბიუჯეტიდან კინოზე გამოყოფილი სახსრების განაწილება კანონმდებლობის შესაბამისად დადგენილი საკონკურსო წესით.
- ე. კინოს ინფრასტრუქტურის განვითარებისა და კინოქსელისათვის გათვალისწინებული სახელმწიფო მხარდაჭერის კოორდინაცია.
- ვ. სახელმწიფო რეგისტრის წარმოება ფილმებზე, შესაბამისი დოკუმენტაციის გაცემა ფილმების გაქირავებისა და ჩვენების რეგულირების მიზნით, ცალკეული ფილმის მაყურებლის ასაკობრივი ცენზის განსაზღვრა.
- ზ. საქართველოს ეროვნული კინოარქივის შექმნა.
- თ. კინოს სფეროში ლიცენზირება კანონმდებლობის შესაბამისად.
- ი. კინოგანათლებისა და კინომეცნიერების განვითარების შემოქმედებითი და საინჟინრო-ტექნიკური კადრების მომზადების ხელშეწყობა.
- კ. კინოს დარგში სტატისტიკური აღრიცხვიანობის სისტემის დანერგვა, კინოორგანიზაციათა ერთიანი მონაცემთა ბაზის წარმოება.
- ლ. კინოს დარგში საერთაშორისო კავშირების განვითარების წარმომადგენლობა საერთაშორისო კინოგანიზაციებში მონაწილეობა კომისიებში, კონფერენციებსა და სხვა ღონისძიებებში.
- მ. ფილმის ავტორთა უფლებების დაცვა.

8. ეროვნული კინოცენტრის სტრუქტურა, კომპეტენცია, მართვითი ორგანოების შექმნისა და საქმიანობის წესი, სახელმწიფო კონტროლი ფორმა და ფარგლები, საფინანსო საქმიანობის საფუძვლები და ქონების ფორმირების წესი ამ კანონის მოთხოვნათა შესაბამისად განისაზღვრება კინოცენტრის დებულებით, რომელსაც შეიმუშავებს კინოცენტრის ამტკიცებს საქართველოს კულტურის მინისტრი.

თავი III.

კინოს სახელმწიფო დაფინანსება

მუხლი 9. კინოს სახელმწიფო დაფინანსების წესი და პირობები.

1. კინოს სახელმწიფო მხარდაჭერის ერთ-ერთ ძირითად წარმომადგენს მისი ნაწილობრივი სახელმწიფო დაფინანსება.

2. კინოს სახელმწიფო დაფინანსებისათვის ყოველწლიურად ეროვნული კინოცენტრის ორგანიზაციულ კოდზე ივეგმება სათანადო ასიგნებები საქართველოს ცენტრალური ბიუჯეტის ხარჯვითი ნაწილიდან.

3. კინოს სახელმწიფო დაფინანსების განაწილების წესი და პირობები ამ კანონისა და სხვა შესაბამისი ნორმატიული აქტების საფუძველზე განისაზღვრება ეროვნული კინოცენტრის საკონკურსო დებულების მიხედვით, რომელსაც შეიმუშავენ ეროვნული კინოცენტრი კინემატოგრაფისტთა ეროვნულ-შემოქმედებით კავშირთან ერთად და ამტკიცებს კულტურის მინისტრი.

4. ეროვნული კინოცენტრი სახელმწიფო დაფინანსების განაწილებას ახორციელებს საკონკურსო დებულების საფუძველზე კინოცენტრსა და შესაბამისად - ეროვნული ფილმის პროდიუსერს, გამქირავებელსა ან დემონსტრატორს შორის ხელშეკრულების დადების გზით.

5. კინოს სახელმწიფო დაფინანსება ატარებს მიზნობრივ ხასიათს და იგი არ შეიძლება გამოყენებული იქნას სხვა დანიშნულებით, გარდა კანონმდებლობითა და შესაბამისი ხელშეკრულებით გათვალისწინებული მიზნებისა.

მუხლი 10. ეროვნული ფილმის წარმოების სახელმწიფო დაფინანსება.

1. ეროვნული კინოცენტრი ქმნის საექსპერტო კომისიას, რომელიც შედგება შემოქმედი მუშაკებისა და შესაბამისი ექსპერტებისაგან. საექსპერტო კომისია თავის საქმიანობას ახორციელებს საექსპერტო კომისიის დებულების საფუძველზე, რომელსაც ამტკიცებს კინოცენტრის დირექტორი საქართველოს კულტურის სამინისტროსთან შეთანხმებით.

2. ეროვნული კინოცენტრი საექსპერტო კომისიის დასკვნის გათვალისწინებით ღებულობს გადაწყვეტილებას ეროვნული ფილმის წარმოების დაფინანსებისა და პროდიუსერისათვის თანხის გამოყოფის შესახებ.

3. სახელმწიფო დაფინანსების წილი ეროვნული ფილმის წარმოებაში, როგორც წესი არ შეიძლება აღემატებოდეს ფილმის საერთო ხარჯთაღრიცხვის 75 პროცენტს.

მუხლი 11. ეროვნული ფილმის გაქირავების სახელმწიფო დაფინანსება.

1. ეროვნული კინოცენტრი საექსპერტო კომისიის დასკვნის საფუძველზე ღებულობს გადაწყვეტილებას ეროვნული ფილმის გასაქირავებლად (ასლების გამრავლება, სუბტიტრება, ვიდეოასლის დამზადება, რეკლამა და სხვა) თანხის გამოყოფის შესახებ.

2. ეროვნული ფილმის გაქირავების სახელმწიფო დაფინანსება არ უნდა აღემატებოდეს გაქირავების საერთო ხარჯების 50 პროცენტს.

მუხლი 12. ეროვნული ფილმის საერთაშორისო ფესტივალებში მონაწილეობის სახელმწიფო დაფინანსება.

1. ეროვნული კინოცენტრი აფინანსებს ეროვნული ფილმის მონაწილეობას "ა" კატეგორიის საერთაშორისო ფესტივალებში ხარისხით 100 პროცენტამდე ოდენობით, სხვა კატეგორიის ფესტივალებში კი ნაწილობრივ.

2. ეროვნულმა კინოცენტრმა ნაწილობრივ შეიძლება დააფინანსოს საქართველოში საერთაშორისო და ეროვნული კინოფესტივალების მოწყობა.

მუხლი 13. ეროვნული ფილმის საწყისი მასალებისა და კინომატიანეს შენახვის წესი

1. გამონაკლისის სახით სრული სახელმწიფო დაფინანსებული ეროვნული ფილმის საწყისი მასალები და კინომატიანე გადაეცემა შესანახად და დასაცავად სახელმწიფო კინოარქივს. შენახვის წესები განისაზღვრება ეროვნული კინოცენტრის მიერ.

2. ნაწილობრივი სახელმწიფო დაფინანსებით წარმოებული ეროვნული ფილმის საწყისი მასალების შენახვის პირობებს განსაზღვრავს პროდიუსერი და ეროვნულ კინოცენტრს შორის დადებული ხელშეკრულება.

3. სახელმწიფო კინოარქივი ფილმისა და საწყისი მასალების შენახვისას განუხრელად იცავს საავტორო და მომიჯნავე უფლებებს.

4. სახელმწიფო კინოარქივი ეროვნული ფილმისა და კინომატიანის პროდიუსერებს შეუზღუდავად უქმნის პირობებს საწყისი მასალების გამოსაყენებლად.

მუხლი 14. ეროვნული ფილმის წარმოება სახელმწიფო დაკვეთით

სახელმწიფო დაკვეთისას, კინოპროექტის განსაკუთრებით მხატვრული და კულტურული მნიშვნელობის შემთხვევაში, ეროვნული კინოცენტრის საექსპერტო კომისია საკონკურსო წესით გამონაკლისის წესებში გადამწვეტილებას ფილმის ან კინომატიანეს წარმოების პროცენტით სახელმწიფო დაფინანსების შესახებ. ამ შემთხვევაში კინოცენტრს დამატებით გამოეყოფა ასიგნებები სახელმწიფოს მიერ.

თავი IV.

კინორგანიზაციების საქმიანობის რეგულირების
თავისებურება

მუხლი 15. კინორგანიზაციების საქმიანობის რეგულირების თავისებურება

ამ კანონის მოთხოვნათა გათვალისწინებით კინორგანიზაციების საქმიანობის საბაჟო და საგადასახადო რეგულირების თავისებურება განისაზღვრება შესაბამისი კანონმდებლობით.

კინოპროექტი "ეროვნული კინოს სახელმწიფო მხარდაჭერის შესახებ"

თავი V.
ბარდამავალი დეკლარაცია

მუხლი 16. კინოცენტრის ჩამოყალიბება.

1. საქართველოს კულტურის სამინისტრომ საქართველოს კინემატოგრაფისტთა საერთო-ეროვნულ შემოქმედებით კავშირთან ერთად კანონის ამოქმედებიდან ერთი თვის ვადაში განახორციელოს ყველა საჭირო ღონისძიება კინოცენტრის ჩამოყალიბებისა და ამოქმედების მიზნით.

2. საქართველოს ფინანსთა სამინისტრომ მომდევნო წლის სახელმწიფო ბიუჯეტის შედგენისას ეროვნული კინოცენტრის ორგანიზაციულ კოდეზე გაითვალისწინოს კინოს დაფინანსების ხარჯები.

მუხლი 17. კინოქსელის რეფორმირება.

კანონის ამოქმედებიდან ექვსი თვის ვადაში ეროვნულმა კინოცენტრმა სააქციო საზოგადოება "ქართულ ფილმთან" ერთად შეიმუშაოს კინოქსელის რეფორმირების პროგრამა მისი რენტაბელობის მიღწევისა და კინოს თვითდაფინანსების პრინციპის ამოქმედების მიზნით.

მუხლი 18. მისაღები ნორმატიული აქტები.

კანონის ამოქმედებასთან დაკავშირებით 2001 წლის მარტამდე მიღებულ იქნას ამ კანონით გათვალისწინებული ნორმატიული აქტები.

თავი VII.
დასკვნითი დეკლარაცია

მუხლი 19. კანონის ძალაში შესვლა.

წინამდებარე კანონი ძალაში შედის მისი ოფიციალური გამოქვეყნების დღიდან.

საქართველოს პრეზიდენტი

ელუარდ შევარდნაძე